

ԴԵՐԵՆԻԿ ԴԵՄԻՐՃՅԱՆԻ ՔԱՌՅԱԿՆԵՐԸ

ՄԱՐԳԱՐԻՏ ՄԵԼԻՔՅԱՆ

Սովետահայ անվանի գրող Դ. Դեմիրճյանի գրական ժառանգությունը կարևոր տեղ է գրավում հայ ժողովրդի հոգևոր մշակույթի գանձարանում: Նա գրական ասպարեզ է իջել անցյալ դարի վերջերին՝ քնարական բանաստեղծություններով: Բարդ է նրա ստեղծագործական անհատականությունը: Ղ. Աղայանին, Հ. Թումանյանին, Ա. Խաչատրյանին, Վ. Տերյանին ժամանակակից Դ. Դեմիրճյանն աչքի էր ընկնում իր ինքնատիպ գեղարվեստական մտածողությամբ և փիլիսոփայական մտորումներով:

Հաղթահարելով վաղ շրջանի ստեղծագործություններին բնորոշ միայնության, հուսահատության տրամադրությունները, որ թելադրված էր ժամանակի մռայլ ու ողբերգական իրադարձություններով, Դ. Դեմիրճյանն իր բանաստեղծություններում աշխատեց որոնել ու գտնել կյանքում գոյություն ունեցող շարիքի արմատները, գեղեցկության ու ներդաշնակության ներքին հակասությունները:

Դ. Դեմիրճյանի պոեզիայի հիմնական մոտիվը սերն է: Մերժված, անպատասխան սիրո հետևանքով ապրած հոռետեսությունը, սիրո վշտի, մորմոքի տրամադրությունները նրա քնարական բանաստեղծությունների էական կողմերն են:

1899 թ. լույս տեսավ Դ. Դեմիրճյանի բանաստեղծությունների անդրանիկ ժողովածուն, որտեղ դրսևորված են կյանքի երևույթներն ընդհանրացնելու բանաստեղծի ակնառու կարողությունները, նրա միամիտ ներշնչանքները, դժգոհությունը իրականությունից: Շատ տարիներ անց, վերհիշելով Դ. Դեմիրճյանի առաջին քերթվածների առաջ բերած արձագանքները, Ա. Խաչատրյանը գրել է. «1895 թ. ամառը արտասահմանից նոր վերադարձած օրերիս հանդիպեցի առաջին անգամ «Տարազ» և «Մուրճ» գրական հանդեսներում Դեմիրճյանի անդրանիկ բանաստեղծություններին: Շատ հաճելի թվացին նրանք ինձ. ներդաշնակում էին իմ ներքին ապրումներին: Պատանի հեղինակի լիրիկական վիշաղ անպատասխան սիրո ռոմանտիկական բայրոտական թախիծը, մենություն երազանքները և դժգոհությունը տգեղ իրականությունից— այդ ամենը եղբայրացնում էին ինձ նրա հետ»¹:

Հետագայում մասնակցելով «Վերնատան» հավաքույթներին, ծանոթանալով ռուս և հիւրապական դասականների ստեղծագործական փորձին, Դ. Դեմիրճյանը հաղթահարեց բանաստեղծության կամերային սահմանները, մոտեցավ ժողովրդայնության ակունքներին: «Վերնատունականների» այն ժամանակվա հավաքների մասին Դ. Դեմիրճյանը գրել է. «Թումանյանի և Խա-

¹ «Գրական թերթ», 20.IV.1945:

հակալանի մոտ ուղղակի ձգտում կար գնալ ժողովրդական ստեղծագործությունների ուղիով, Աղայանը արդեն այդտեղից էր գալիս: Ես նրանց միանում էի, ըստ երևույթին, շատ տարբեր, թեև անցիկ շարժումներով, բայց վերջնական նպատակակետով միևնույն տեղը՝ ժողովուրդը²:

Ժողովուրդը և ժողովրդականը սկսեց աստիճանաբար հիմնավոր ու լայն տեղ գրավել Դ. Դեմիրճյանի բանաստեղծական ներշնչանքներում: Նրա ստեղծագործության հիմնական գաղափարը դարձավ ժողովրդի ազատատենչ ոգու պանծացումը: Եվ զարմանալի չէ, որ դեռևս 1905 թ. նա ստեղծեց «Հերոսի երգը» բանաստեղծությունը.

Իր հին խմբի հետ նստած տանիքում՝
Երգում է հերոսն ու սագին զարկում.
Երգում է, հիշում կռիվներն անցած,
Օրեր դարափառ, բայց և փառապանծ:

Եվ անա զվարթ այն երգը երգեց,
Որ ժողովուրդը նրան նվիրեց,
Նվիրեց նրան մի օր օրհասի
Եվ զովեց սիրած անունն հերոսի³:

Դ. Դեմիրճյանի յուրահատուկ ոճը, խոհերն ու ապրումները, գեղարվեստական խոսքի պաթոսը արտահայտվեցին դարասկզբին դրած նրա բանաստեղծություններում, պոեմներում, առանձնապես քառյակներում, որոնք գալիս են ավելի ամբողջացնելու Դեմիրճյանի գեղագետի ստեղծագործական դեմքը:

1920 թ. Թիֆլիսում լույս տեսավ Դ. Դեմիրճյանի «Գարուն» խորագրով քառյակների ժողովածուն, որտեղ արտացոլված են կյանքի բարդ ու բազմազան երևույթները, սիրո զգացմունքի անմահությունը: Բանաստեղծի քառյակները, որ համակված են քնարական ջերմ շնչով, արտահայտում են խորիմաստ լավատեսական աշխարհազգացում, նախկինում ապրած հիասթափությունից՝ պեսիմիզմից ազատ զգացումներ ու տրամադրություններ, որոնք նրան տարան դեպի կյանքի կենսահաստատ դիրքերը: Քառյակները հանդիսացել են Դ. Դեմիրճյանի ստեղծագործական մտահղացման ուշագրավ մի փուլը, որ բխում է բանաստեղծի անհատականությունից: Նրանք հիմնականում գրված են երկու տասնամյակի ընթացքում (1902—1919 թթ.) և իրենց բովանդակությամբ տարբեր բնույթի են՝ վճատության տխուր խոհերից մինչև խնդուն, պաթետիկ կամ հուզական անմիջականությամբ շաղախված վերապրումը, սիրո զգացմունքի, քնքշության զգայացունց պատկերները:

Ժողովածուն սկսվում է գարնան և սիրո օրհներգություններով պարուրված գարունն ավետող մի շարք քառյակներով, դուցե այդ պատճառով էլ այն կրում է «Գարուն» խորագիրը:

² «Բանվոր», 15. IX. 1939.

³ Դ եր ե ն ի կ Դ ե մ ի Ր Ճ յ ա ն, Երկերի ժողովածու, հ. 1, Երևան, 1976, էջ 52—53 (բանաստեղծության խորագիրը տե՛ս Գ.Ա.Մ., Դ. Դեմիրճյանի ֆոնդ, № 2264):

Ինչքան ծիլ ծաղիկներ ծնվեցին այս գիշեր,
 Ինչքան վառ ծաղիկներ զարթեցին այս գիշեր,
 Ինչքան թարմ դուռներ բացվեցին այս գիշեր,
 Դուրս ելան շուշաններ, անուշներ, մեղույշներ:
 Ինչքան զի՛լ որոտաց սիրս ձայնն այս գիշեր,—
 Մի ձայնն էլ ի՛նձ հասավ... աչքս թա՛ց այս գիշեր...⁴

Կարո՞ղ է լսել մարդ զարնան հեֆն առաջին.
 Ո՞վ լսի նրա մե՛ղմ ծլելը առաջին.⁵

Վերոհիշյալ քառյակի այլ տարբերակներում ևս, սիրո կրթոտ խոստովանու-
 թյունը հնչում է որպես կյանքի երջանկության փառաբանություն: Սակայն
 զարուհը բանաստեղծի համար բերել է նաև տխրություն.

Ո՞վ պիտի ունկ դնի սրտիս լո՛ւռ հառաչին
 Քեզի՛ց զատ, որ միա՛յն լսում ես ու լուում⁶:

Քառյակներում չափազանց արտահայտիչ են բանաստեղծի տառապանքի,
 անպատասխան սիրո տվյալտանքների, հոգու թզկտման, ներանձնական լուռ
 ցավի տեսարանները: Դ. Դեմիրճյանի սիրո զգացմունքներն անկեղծ են,
 կրքոտ, լի լարվածությամբ: Այս թեման ծավալվում է միջնադարյան հայ տա-
 ղերգուների՝ Նաղաշ Հովնաթանի, Քուչակի, Սայաթ-Նովայի սիրերգության
 ավանդների խոր ու վարպետ օգտագործմամբ: Նաղաշի տաղերի հանդես
 Դ. Դեմիրճյանի հետաքրքրությունը բացատրվում է դարասկզբին ծայր առած
 «վերադարձի» հոգեբանությամբ դեպի ուշ միջնադարի հայ քերթողները:
 Իսկ Նաղաշ Հովնաթանը միջնադարի այն աշխարհիկ բանաստեղծներից է,
 որն աչքի է ընկնում իր կենսասիրությամբ, զվարթամիտ և առույգ հումորով.
 իր քառյակներից մեկում դիմելով Նաղաշ Հովնաթանին՝ Դ. Դեմիրճյանն
 ասում է.

Մեկ ներմակ վարդ ասավ, Նաղա՛շ, հիվանդ եմ.
 Գնամ պառկեմ, վախե՛մ հոգիս ավանգեմ,
 Ասի՛ հոգի՛, հոգի՛ս կտամ, չքմեռնես.
 Ասավ՝ էդ մե՛կ խոսքդ էլ քավ է՝ ապրեմ ես?⁷

Սակայն հետզհետե բանաստեղծի համար կյանքը դառնանում է, հու-
 սահատությունը կախվում է օդում: Այդ տրամադրությամբ նա փորձում է
 ընկնել մոռացության գիրկը, գինու մեջ խեղդել վիշտն ու թախիծը: Կյանքի
 անցողիկությունը տխուր զգացումներով է համակում բանաստեղծի հոգին.

Կյանքն է հողի դատարկ շինի.
 Կուզես թա՛յն լից, կուզես՝ գինի՛.

4 Դ Ե Բ Ե Ն Ի Կ Դ Ե Մ Ի Բ Ը Ե Կ Ե Ն, Գարուն, Քիֆլիս, 1920, էջ Բ:

5 Նույն տեղում, էջ Գ:

6 Նույն տեղում:

7 Նույն տեղում, էջ ԿԴ:

Սի՛րա իմ, ժուժկալ մի՛ լինի գուր,—
 Լի՛ց, գո՛հն ես դու մեկնումի՞նի՞՞:

Երբեմն էլ բանաստեղծը խոստովանում է, որ եթե իր ճամփին հանդիպի սիրած աղջկան ծաղիկներով ու ծիծաղով և նա իրեն շնորհի կենսուրախ երդեր, ապա կփարատի իր վիշտը.

Դեմս եկար գարնան նման ծաղիկներով, կրակելով,
 Ալ ու կրակ շողշողալով, շող ու շախով,
 Թիթեռի պես ծիծաղելով, սգվոր սիրտս բաց անելով
 Սիրտս բացիր նո՛ր երդերով, նո՛ր գինիով, նոր վարդերով⁸:

Տրամադրության որոշ պահերին նա կոչ է անում վայելել կյանքը, ուրախությունը, գինին, որովհետև ժամանակն անցնում է.

Այգու դռան կանգնել էր մեկն ու գիլ կանչում գավը բռնած.
 Ի՞նչ բանի եֆ, գծե՛ր, եկե՛ք, կյանքը գնա՛ց, գինին մնա՛ց...¹⁰

Քառյակներից մեկ ուրիշում առկա է զգացմունքների պարզ, արևոտ կենսախնդությունը: Հեղինակը հեռացել է մշտելից, տենչում է լուսավոր հորիզոններ, և նրա սիրո առարկան երազային է.

Դու շուշան լուսընկա, դու ծովի՛կ շողշողուն,
 Դու հեֆիա՛թ հարավի, դու աստղիկ փողփողուն,
 Դու ալիֆ կարկաշո՛ւն, դո՛ւ հեռուն, դու հեռվո՛ւմ,
 Երբ քեզ եմ գալիս ես՝ դու հալչում, երազվո՛ւմ¹¹:

Քառյակներում պարզ ուրվագծվում են ժամանակի մասին Դ. Դեմիրճյանի փիլիսոփայական մտորումները.

Ի՛մ ոսկե դու գինի, ի՛մ գինի ծիրանի,
 Կըմեռնեմ, կըլենմ կա՛վ, որ քեզ միշտ դառնամ գա՛վ¹²:

Մտերմուհու, սիրած էակի պաշտամունքը իր արտահայտությունն է գտել ժողովածուի մի շարք քառյակներում: Բանաստեղծի համար կյանքում մի բան միայն գոյություն ունի՝ սեր և վայելումի բուռն զգացում, ուստի, սիրած էակի գովերգումը նա հասցնում է պաշտամունքի.

էդ մանրիկ ոտքերն որ ունես՝ առափինի՛ ես, սուրբ ե՛ս...
 էդ նազուկ մատներն որ ունես՝ դու բարեպա՛շտ ես, սո՛ւրբ ես...
 էդ դրախտի հասակդ որ ունես՝ դու առափյա՛լ ես, սո՛ւրբ ես...
 Ձկա՛ քեզնից վեր մի ինչ, չեմ ուզում քեզնից վեր ոչինչ¹³:

⁸ Նույն տեղում, էջ 181.

⁹ Նույն տեղում, էջ 191.

¹⁰ Նույն տեղում, էջ 191.

¹¹ Նույն տեղում, էջ 191.

¹² Նույն տեղում, էջ 191.

¹³ Նույն տեղում, էջ 191.

Բանաստեղծը մեծարում է գեղեցկությունը, որը դարձյալ գալիս է սիրո պաշտամունքից.

Թե գեղեցիկին դու չգովես՝ կա՞ մեկ հանցանք դրանից վեր.

Թե գովիցի էլ կրակն ընկնես՝ կա՞ մեկ պատիժ դրանից վեր...¹⁴

Աստիճանաբար խախտվում է բանաստեղծի սիրո զգացմունքների հավասարակշռությունը. տարվելով սիրով՝ նա փնտրում է մարմնական վայելք և ձգտում է ներանձնանալ ամենանվիրականի, խորապես մտերմականի հետ, պաշտել ու լիապես վայելել սիրած էակին.

Տխու՛ր եմ, ջա՛ն, մի վա՛րդ դրկիր՝ ուրախանա՛մ.

Վարդի հետն էլ մի համբու՛յր դիր՝ գվարթանա՛մ.

Ամեն թերթում մե՛կ համբույր դիր՝ թող լիանա՛մ.

Ի՛նքդ արի... Ոտներդ ընկնեմ, երջանկանա՛մ¹⁵:

Բայց սիրահարը մերժվում է, սկսվում է նրա հոգեկան դրաման, փոթորկվում, թունավորվում է բանաստեղծի կյանքը.

Չե՛մ տեսնում, չե՛մ տեսնում, չե՛մ տեսնում քեզ մի օր,

Չե՛մ տեսնում ոչ մի մարդ ինձ նման դժվարում...¹⁶

Մի առա՛ն առիթով սիրածի կորուստը նրան խորհել է տալիս.

Դո՛ւ, որ իմ ձեռից կորար՝ ի՛մ անձն էլ կորչել պիտե՛ր,

Գոհարն էնդուր է միշտ կորչում, որ է անգի՛ն, որ ունի տե՛ր¹⁷:

Իմ անելանելի հոգեկան սուր կսկիծը խորանում, վհատություն է պատճառում նրան.

Այդ քո ծավ աչքերիդ ինչա՛ն եմ կարոտել,

Այդ անգութ հեռու տեղդ ինչա՛ն եմ ես ատել...¹⁸

Քառյակների հետագա շարքում հեղինակը դառնորեն ողբում է սիրած էակի կորուստը, նախատում է նրան, որ իր միակ սերն աշխարհում ուրիշի գրկումն է և հուսահատված այն համարում է «գարունքի քաղցր սխալ»։ Հետագայում սերը բանաստեղծի համար հետզհետե օտարանում է, դառնում ցնորք, երազ, սիրո խոստովանությունը զուգորդվում հոգու խիստ լարված վիճակի հետ.

Էլ ինչո՞վ պարեմ ես առանց քեզ, մենավո՛ւր,

Երբ քեզից չունիմ հույս, ի՛մ երազ հեռավո՛ւր.

Ա՛յս էր քո խոստումը երազում ինձ տված,

Ի՛մ գարնան որոնած, ի՛մ աշնան գտնված...¹⁹

¹⁴ Նույն տեղում, էջ 69:

¹⁵ Նույն տեղում, էջ 5Ա:

¹⁶ Նույն տեղում, էջ ԻԱ:

¹⁷ Նույն տեղում, էջ ԺԹ:

¹⁸ Նույն տեղում, էջ ԻԵ:

¹⁹ Նույն տեղում, էջ ԺԶ:

«Գարնանը որոնածին՝ աշնանը չգտնելու» հույսը վերածվում է ունայնության և նա հաշտվում է ստեղծված վիճակի հետ, բավարարվելով լոկ սիրած էակի հեռավոր գոյությամբ.

Ի՛մն ես, քե իմը շես դու՝ էլի՛ եմ, ջա՛ն, էլի՛ ուրախ.

Քանի որ աշխարհում դու կաս՝ ինձ համար մա՛հն էլ է ուրախ.²⁰

Դ. Դեմիրճյանի սիրո քառյակներն օրգանական ամբողջություն են կազմում և առանձին-առանձին վերցրած ներկայացնում միևնույն զգացումների և ապրումների տարաբնույթ արտահայտությունները: Կյանքի անցողիկության գաղափարը ամենուրեք պայմանավորում է սիրո վայելքի հրամայական անհրաժեշտությունը: Դ. Դեմիրճյանը արևելյան բանաստեղծներից քաղում է հայտնի, բայց խորապես մարդկային պատկերացումը սիրո ու վայելումի անցողիկության վերաբերյալ.

Մի՛ լար, մի՛ թացիր աչքերդ. աչքիդ լույսն ափսո՛ս է, կանցնի՛.

Մի՛ տխրիր, նոր գարուն հասակդ մի օր է վառ մայիս, կանցնի՛...²¹

Բանաստեղծը խորհում է իմաստալից մի խորհուրդ և հաշտվում է իր կրած ապրումների և հոգու մրրիկների հետ.

Աշխարհքն էլ հեփաթ է էսպես, մի՛ շտապիր, կըհատնի, կանցնի՛²²:

Այսպես աստիճանաբար շրջափոխվում է Դ. Դեմիրճյանի քառյակները բովանդակությունը: 1912 թ. հետո գրած իր քառյակներում բանաստեղծը կյանքին նայում է այլ կերպ, դառնում ավելի ներհուն, լռակյաց: Կորցրած սերը թեև կսկիծ է պատճառում, սակայն նա չի դադարում սիրելուց: Վերջին քառյակներից մեկում Դ. Դեմիրճյանն ավելի լայնախոհ է և փրկիստիպական հանդարտությամբ բացական չում է.

Դու լա՛վն արա, վերջը էլի՛ լավությունից լավ բան չըկա.

Դու լա՛վն արա, որ չըմնա՝ լավությունը պիտի մնա...²³

Բանաստեղծը որքան էլ մտորում է, չի կարողանում հասկանալ կյանքի և տիեզերքի կապի ու միասնության գաղտնիքը: Նրա համար պարզ չէ, թե ինչու աշխարհը հավերժական է ու անփոփոխ.

Թե Աստված աշխարհքն էսպես է սարքել՝

Իմ խելքս էլ ի՞նչ.

Թե մի շուտն անգամ շի ուզում շտկել՝

Իմ ասելս էլ ի՞նչ.

²⁰ Նույն տեղում, էջ ԾԶ:

²¹ Նույն տեղում, էջ Է:

²² Նույն տեղում:

²³ Նույն տեղում, էջ ԷԾ:

Թե աշխարհ գաւս. աշխարհից զնալս՝
 Իմ կամօժ չէ՛ր իսկ՝
 Ուզել չուզե՞լս հնչ. ես ինչ, աշխա՛րհն ինչ²⁴:

Բերված քառյակից ակներև է, որ իմացության թախիծը բանաստեղծին մղում է տիեզերքի հեռուներում փնտրելու փրկության միջոցներ:

Դ. Դեմիրճյանի քառյակներում գրսևորվել է բուսաստեղծի լեզվի կուլտուրան, հուղական պատկերավոր, աշխույժ խոսքը։ Նրա քառյակների բնորոշ առանձնահատկությունը՝ իրակտնություն փիլիսոփայական իմաստավորումն է, լավատեսությունը, անձնական երջանկության կարևորությունը, լուսաշող հավատը կյանքի նկատմամբ։

Անվանի կոմպոզիտոր Ռ. Մելիքյանը 1917—1918 թթ. ստեղծեց (մենեդ-
ցեր գաշնասուրի համար) իր հանրահայա «Զմրուխտ» շարքը²⁷, որտեղ
ի թիվս այլ քնարական երգերի, ընգրկվեց նաև Դ. Դեմիրձյանի «Մի՛ լար,
մի՛ թացիր այբերդ...» քառյակը: Ժողովրդական մեղեդայնությամբ գրված
երաժշտությունը միանգամայն համապատասխանում է րոտաստեղծական խոս-
քին, ընգծվում նրա քնարականութունը և դրամատիզմը:

Քառյակները Դ. Դեմիրճյանին հետաքրքրել են նրա կյանքի տարբեր տարիներին: «Գարուն» տաղարանին նա վերստին անդրադարձել է 1955 թ., այդ շարքին ավելացնելով քսանի հասնող նոր քառյակներ՝ հավանաբար վերահրատարակելու նպատակով:

Քառյակների գերակշռող մասը ձևի և թվաճադակության հստակափոխներով նման է Արևելքին բնորոշ ռուբայի՝ բանաստեղծական ձևին, իսկ որոշ մասն էլ գրված է բաժմ անապեսայան տառափանկանի ոտանավորով։ Կտն քառյակներ, որոնց բոլոր տողերը նույնահանգ են։ Դ. Դեմիրճյանը հատուկ ուշագրություն է դարձրել շնչտօրի ճշտությամբ, ութմի ու երաժշտականության վրա։ Քառյակները աչքի են ընկնում նաև հարուստ պատկերներով և գունային վառ երանգավորումներով։ Որոշ գեպքերում էլ Դ. Դեմիրճյանը խախտել է քառյակի սահմանված շորս տողը և դարձրել վեց տող, որոշ քառյակներ ստեղծել է քնարանով։

Իրենց բարձր գեղարվեստական արժանիքներով, ներգործուն ազգացու-
թյամբ և ինքնատիպություններ, Դ. Ինսիրճյանի քառյակները հայ քնարերգու-
թյան յավագուն էջերից են:

ЧЕТВЕРОСТИШИЯ ДЕРЕНИКА ДЕМИРЧЯНА

МАРГАРИТ МЕЛИКЯН

Резюме

Выдающийся армянский советский писатель Д. Демирчян вступил на стезю литературной деятельности своими лирическими произведениями.

Главный мотив его поэзии—любовь. Его особый стиль, думы и переживания, пафос художественного слова отразились в лирическом жанре, особенно в четверостишиях.

24 նույն տեղում, ԼԳ ՀԵ:

25 Ռեմյանտա Մեյիքայի, Զմրուխտի, Մասկով, 1928: